



مجموعه ابوالخیر

ماسوا شایه سندن دلی تطهیره پالش
بر تو حکمت و عرفان لاله تور آتش

علوم و معارفدن بحث ایدر. و هر ماه عربی ابتدا سیله اون بشنده نشر اولتور مجو عددور.

عدد ۳۱ - جلد ۲ [۱۵ رجب سنه ۱۲۹۹] [نهمین ۳ غروش]

و انفاقدہ نہ قدر فوائد و فضائل وار ایسہ اسراف و تبذیر آکا یوزبیک
قات درجہ زیادہ متقابل مضرات و رذائل بولندیغی جای اشتباه دکلدر
حتی بعض حکماک « بخل صفتیله اسراف موازنہ اولتسه اسراف ذہا
بدتردر » پیوردیغی محل عبرتدر .
حفظ مالک درجہ وجوبی بیلدکدن صکرہ؛ کیفیت تصرف ہر گسک
درجہ ثروتہ کورہ تجارب عدیدہ ایلہ معلوم اولان طریقار اوزرہ اولور .
فقط تصرف دیدیکمر تفریط و افراط یعنی بخل ایلہ اسراف پینشدہ
برحال وسط و اعتدال اوزرہ حرکتدن عبارتدر؛ قاعدہ سیلہ ختم مقال
ایدہ رز .

بر نصیحتدر سوزم حفظ ایلہ آتی حشرہ دک؛
کوشوار کوهرایت کوشندن اصلایتہ فک !
مالی جمع ایت جہد ایلہ اسراف قتله صاقلہ فک !
دشمنہ قایرسہ قالسون دوستہ محتاج اولمہ فک !

برہ زیلیادہ قہوہ محصولی

(۲۰ بجی نسخہ دن مابعد)
صاحب خانہ اوروپا تربیہ سی کورمش و اولدقجہ اکتساب معارف
ایلمش ایسہدہ برہ زیلیادہ مقیم اولانلرک اکثری کبی؛ اوقاتنی زراعتہ حصر
ایتمش اولدیغندن؛ بہرہ علم و عرفانی همان مرتبہ اولای تحصیلدہ نہ حال
ایسہ اورادہدہ قلمش اولدیغنی کندیبسی اعتراف ایتمشدرکہ فکر و اشتغالی
قہوہ مزروعایلہ محصولاتی درجہ مطلوبہ بہ ایصال و بوکا متعلق عملیات
و تجاربہ اہتمام ایلہ ثمراتی حسن استحصالدن بشقہ دوشندیکی اولندیغنے
شو اعترافی دلیدر .

مومی الہک بورایہ ابتدای مواصلتندہ قہوہ فدانی یتشدیرمک

اوزره مباحه ایلدیکی اراضی قومشوزی عننده چوراق، مغروسانه غیر صالح عد اولتورایکن؛ کندیسکی اوروپاده کی مشهوداتی موقع تجربه وضع ایله برابر برطاقم ادوات زرعیه جلب ایش و قهوه غرسنی دخی کننجه مفید عد ایلدیکی بریولده اجرا ایش اولمستندن، آز زمانده اول قدر محصول آلفه باشلامشدر که هر کسله برابر کندیسنک دخی باعث تعجبی اولمشدر.

مباحه ایش اولدیغی اراضی درت پیک (آقر) دن عبارت اولوب، (بر آقر تقریباً ۴ عثمانلی دونغه مساوی اولدیغی جهته ۴ پیک آقر ۱۶ پیک دونغه متقارب دیمک اولور.) بونک ۲۲۰۰ آقرخی زرع ایله قصورخی حالی اوزره یعنی اورمان اولهرق، ترک ایشدر.

بورایه وصولندن بری محصول ویر ۴۰۰,۰۰۰ عدد قهوه فدانی یتشدرمش اولدیغی کبی بر اول قدر دها غرس ایش اوزره اورمانسندن ترلا آچغه مباشرت ایشدر.

بره زلیانک جنوب طرفنده یتشدریلان قهوه اشجارینک ۳۰ سنه دن زیاده دوام ایشی نادر الوقوعدر. اکثر مغروسات مائل وشولی وذاتاً اورمان یتشدرمکه مستعد محالدر.

بورالرده کی تراب عمیق اولیوب، ۶ ونهایت ۸ بوسدن زیاده دکلدر. نباتاتی چوروده رک، کوبره مقامنده تراب قوه انبایه سنی تزید ایله جک قدر قار یاغماز چونکه مدارین پنشنده موسم شتا امتداد ایشیوب، یالکز برقاعده موسم خزانندن صگره نباتانک یار اقلری دوکیلور، وحرارت شمسله قوریوب توز اولهرق ترابه انقلاب ایلر. بویوزدن حاصل اولان تراب ایسه غایت جزوی اولدیغندن، قهوه اشجاری ۲۵ اوتوز سنه ده تراب قوه نامیه سنی کاملاً اخذ وبلغ ایلر و بناء علیه بومدندن صگره اغاجلر قوتدن دوشر.

سائریرلر کبی بره زلیاده آغاج ککو توکلرینی حرارت ورطوبتک

اولدیغی طور اقله برابر چیقارلمقده و اولجه تربیه ایدلمش رطوبتلی محله دیکله‌مکه در که بوججهله غرس اولنان فدانلرک نرم و نازک اولان کوکلیری بلا مزاجم کسب انبساط ایده‌رک، اوچ درت کون طرفنده کوکلاشوب نمونازه کسب ایتکه‌مکه در.

موسیو سری فدان یتشدیرمک ایچون آلتی نوع قهوه دن تخم انتخاب ایتش اولدیغندن، بونلری اولجه فیدانلق اتخاذا ایتدیکی محله اکرک، تقریباً آلتی بوس طولنده کوک صالجه‌یه قدر براقوب، بعده طور اقدن اخراج ایله ساقسیرله وضع ایتکه‌مکه در. موسیو سری یتشدیرمکه اولدیغی قهوه اشجارینک اللی سنه دن زیاده بقاسی آرزو ایتدیکی جهتهله سار قهوه زراعتک حصر ایتدیکی وقتدن زیاده اهتمام ایتکه‌مکه در. خدمتنده بولنان سیاهیلرک کافه‌سی پینلرنده معنود مقاوله حکمنجه

۱۸۹۲ ده حریتلرینه مالک اوله‌جقلری جهتهله موسیو سری تاریخ مذکورک حلولندن اول ایشنی ممکن اولدیغی قدر یوانه قویق املنده بولنیور.

اولجه بیان ایتدیکم وجهله قهوه ترلاسی اوله‌جق محل سطح مائلدن عبارت اولوب، ساقسیردن چیقاریلان فدانلر اوزر آدیم فاصله‌ایله تهیه ایدیلان یرله غرس ایدیلر که ارضک بوججهله مائل اولیشندن هم فدانلرک عمومی شمسک اشعه فیض بخشاسنه تمامیه عرض برک و بار ایدر و همده مرسمنده نزول ایدن باران کوکلیری لایقوله ادوا ایلر.

فدانلر مزروعده آلتی قدم ارتفاع بولدقندن صکره، محصول ویرمکه باشلر. آلتنجی سنه ده محصول کسب افزایش ایتدیکنندن، بربری اوزرجه بهر فدان سنوی ۳ و یا ۴ لبره یعنی برقیه‌دن زیاده‌جه محصول ویرر.

محصول ویرمجه‌ک راده‌یه کلنججه قدر فدانلرک آره‌سنه یا بغدای ویاخود (ماندیوقو) تعیر اولنان زخیره صاچلدیغی جهتهله ترلاک قهوه محصولی اقتطاف اولنه‌جق زمانه قدر اولان مصارفی بویوزدن چیقاریلیر.

(مابعدی صکره)